

百衲本

金史

元·脫脫等撰

2

國家圖書館出版社



百衲本

元·脫脫等撰

金史

2

國家圖書館出版社



列傳第十二

金史七十四

勅修

宗翰 本名粘罕子斜哥

宗望 本名幹南不子齊京文

宗翰本名粘沒喝漢語訛為粘罕國相撒改之長子也年十七軍中服其勇及議伐遼宗翰與太祖意合太祖敗遼師于境上獲耶律謝十撒改使宗翰及完顏希尹來賀捷即稱帝為賀及太宗以下宗室群臣皆勸進太祖猶謙讓宗翰與阿离合德蒲家奴等進曰若不以時建號無以繫

列傳

金史七十四

一

付修成

天下心太祖意乃決遼都統耶律訛里朶以二十餘萬戌邊太祖逆擊之宗翰為右軍大敗遼人于遼魯古城天輔五年四月宗翰奏曰遼主失德中外離心我朝興師大業既定而根本弗除後必為患今乘其釁可襲取之天時人事不可失也太祖然之即命諸路戒備軍事五月戊戌射柳宴群臣上顧謂宗翰曰今議西征汝前後計議多合朕意宗室中雖有長於汝者若謀元帥無以易汝汝當治兵以俟師期上親酌酒飲之且命之醕解御衣以衣之群臣言時方暑月乃止無何為移賚勃極烈副蒲家奴西襲遼帝不果行十一月宗翰復請曰諸軍久駐人思自奮馬亦

列傳

金史七十四

二

付修成

壯健宜乘此時進取中京群臣言時方寒太祖不聽竟用宗翰策於是忽魯勃極烈果都統內外諸軍蒲家奴宗翰宗幹宗盤副之宗峻領合扎猛安皆受金牌余睹為鄉導取中京實北京既克中京宗翰率偏師趨北安州與婁室徒單綽里合兵大敗奚王霞末北安遂降宗翰駐軍北安遣希尹經略近地獲遼護衛耶律習涅烈廼知遼主獵于鴛鴦灤殺其子晉王敖魯幹衆益離心西北西南兩路兵馬皆羸弱不可用宗翰使釋溫都移剌保報都統果曰遼主窮迫於山西猶事敗獵不恤危亡自殺其子臣民失望攻取之策幸速見諭若有異議此當以偏師討之果使奔睹與移剌保同來報曰頃奉詔旨不令便趨山西當審詳徐議當時宗翰使人報果即整衆俟兵期及奔睹至知果無意進取宗翰恐待果約或失機會即決策進兵使移剌保復往報都統曰初受命雖未令便取山西亦許便宜從事遼人可取其勢已見一失機會後難圖矣今已進兵當與大軍會乎何地幸以見報宗翰勸果當如宗翰策果意乃決約以奚王嶺會議宗翰至奚王嶺與都統果會果軍出青嶺宗翰軍出瓢嶺期于辛城灤會軍宗翰以精兵六千繼遼主聞遼主自五院司來拒戰宗翰倍道兼行一宿而至遼主遁去乃使希尹等追之西京復叛耿守忠以

兵五千來救至城東四十里蒲察烏烈谷被先擊之斬首千餘宗翰宗雄宗幹宗峻繼至宗翰率麾下自其中衝擊之使餘兵去馬從旁射之守忠敗走其衆殲焉宗翰弟扎保迫沒于陣天眷中贈扎保迪特進云宗翰已撫定西路州縣部族謁上于行在所遂從上取燕京燕京平賜宗翰希尹捷額耶律余睹金器有差太祖既以燕京與宋人還軍次鴛鴦灘不豫將歸京師以宗翰爲都統是勅極烈星迭勃極烈幹魯副之駐軍雲中太宗即位詔宗翰曰寄爾以方面當遷官資者以便宜除授因以空名宣頭百道給之宋人來請割諸滅宗翰報以武朔二州宗翰請曰宋人

金史七十四

三

特房

不歸我叛亡阻絕燕山往來道路後必敗盟請勿割山西郡縣太宗曰先皇帝嘗許之矣當與之諸將獲耶律馬哥宗翰歸之京師詔以馬七百匹給宗翰軍以田種千石米七千石賑新附之民詔曰新附之民比及農時度地以居之宗翰請分宗望捷額石古乃精兵討諸部詔曰宗望軍不可分別以精銳五千給之宗翰朝太祖陵入見上奏曰先皇帝時山西南京諸部漢官軍帥皆得承制除授今南京皆循舊制惟山西優以朝命詔曰一用先皇帝燕京所降詔勅從事卿等度其勤力而遷授之宗翰復奏曰先皇帝征遼之初圖宋協力夾攻故許以燕地宋人既盟之後

請加幣以求山西諸鎮先皇帝辭其加幣盟書曰無容匿遁逃誘擾邊民今宋數路招納叛亡厚以恩賞累疏叛人姓名索之童貫嘗期以月日約以誓書一無所致盟未朞年今已如此萬世守約其可望乎且西鄙未寧割付山西諸郡則諸軍失屯據之所將有經略或難持久請姑置勿割上恚如所請上以宗翰破遼經略夏國奉表稱藩深嘉其功以馬十四使宗翰自擇二匹餘賜群帥及幹魯奏宋不遣歲幣戶口事且將渝盟不可不備太宗命宗翰取諸路戶籍按籍索之而閭閻毋再奏宋敗盟有狀宗翰宗望俱請伐宋於是諸班勃極烈果領都元帥居京師宗翰爲左

金史七十四

四

特房

副元帥自太原路伐宋宗翰發自河陰遂降朔州克代州圍太原府宋河東陝西軍四萬救太原敗于汾河之北殺萬餘人宗望自河北趨汴久不聞問遂留銀術可等圍太原宗翰率師而南降定諸縣及威勝軍下隆德府實澤州軍至澤州宋使至軍中始知割三鎮講和事路允迪以宋割太原詔書來太原人不受詔宗翰取水及孟縣復留銀術可圍太原宗翰乃還山西宋少帝誘蕭仲恭貽書余睹以興復遼社稷以動之蕭仲恭獻其書詔復伐宋八月宗翰發自西京九月丙寅宗翰克太原執宋經略使張孝純等鵬沙虎取平遙降靈石介休孝義諸縣十一月甲子

宗翰自太原趨汴降威勝軍克隆德府遂取澤州撒刺荅等先已破天井關進逼河陽破宋兵萬人降其城宗翰攻懷州克之丁亥渡河閏月宗翰至汴與宗望會兵宋約畫河爲界復請脩好不克和丙辰銀朮可等克汴州辛酉宋少帝詣軍前舍青城十二月癸亥少帝奏表降詔元帥府曰將帥士卒立功者第其功之高下遷賞之其殞身行陣沒於王事者厚卹其家賜贈官爵務從優厚使勗就軍中勞賜宗翰宗望使皆執其手以勞之四月以宋二主及其宗族四百七十餘人及珪璋寶印袞冕車輅祭器大樂靈臺圖書輿大軍北還七月賜宗翰鐵券除反逆外餘皆不

列傳

金史七十四

五

間賜與甚厚宗翰奏河北河東府鎮州縣請擇前資官良能者任之以安新民上遣耶律暉等從宗翰行詔黃龍府路南路東京路於所部各選如耶律暉者遣之宗翰遂趨洛陽宋董植以兵至鄭州鄭州人復叛宗翰使諸將擊董植軍復取鄭州遂遷洛陽襄陽潁昌汝鄭均房唐鄧陳蔡之民於河北而遣婁室平陝西州郡是時河東寇盜尚多宗翰乃分留將士夾河屯守而還師山西昏德公致書請立趙氏奉職修貢民心必喜萬世利也宗翰受其書而不荅康王遣王師正奉表密以書招誘契丹漢人獲其書奏之太宗下詔伐康王河北諸將欲罷陝西兵併力南伐河

列傳

金史七十四

六

東諸將不可曰陝西與西夏爲鄰事重體大兵不可罷宗翰曰初與夏約夾攻宋人而夏人弗應而耶律大石在西北交通西夏吾舍陝西而會師河北彼必謂我有急難河北不足虞宜先事陝西略定五路既弱西夏然後取宋宗翰蓋有意于夏人也議久不決奏請于上上曰康王構當窮其所往而追之俟平宋當立藩輔如張邦昌者陝右之地亦未可置而不取於是婁室蒲察帥師繩果婆盧火監戰平陝西銀朮可守太原耶律余睹留西京宗翰會東軍于黎陽津遂會睿宗于濮進兵至東平宋知府權邦彥棄家宵遁降其城駐軍東平東南五十里復取徐州先是宋人運江淮金幣皆在徐州官庫盡得之分給諸軍罷慶府來降宋知濟南府劉豫以城降于撻懶乃遣拔离速烏林荅恭欲馬五縱康王于揚州未至百五十里馬五以五百騎先馳至揚州城下康王聞兵來已於前一夕渡江矣於是康王以書請存趙氏社稷先是康王嘗致書元帥府稱大宋皇帝構致書大金元帥帳前至是乃貶去大號自稱宋康王趙構謹致書元帥閣下其四月七月兩書皆然元帥府荅其書招之使降於是撻懶宗弼拔离速馬五等分道南伐宗弼之軍渡江取建康入于杭州康王入海阿里蒲盧渾等自明州行海三百里追之弗及宗弼乃還其後

列傳

金史七十四

七

付表成

宗翰欲用徐文策伐江南睿宗弼議不合乃止語在劉豫傳歸德叛都統大札里平之初太宗以斜也爲諸班勃極烈天會八年斜也薨父虛此位而熙宗宗峻子太祖嫡孫宗幹等不以言太宗而太宗亦無立熙宗意宗翰朝京師謂宗幹曰儲嗣虛位頗久合刺先帝嫡孫當立不早定之恐授非其人宗翰日夜未嘗忘此遂與宗幹希尹定議入言於太宗請之再三太宗以宗翰等皆大臣義不可奪乃從之遂立熙宗爲諸班勃極烈於是宗翰爲國論右勃極烈兼都元帥熙宗即位拜太保尚書令領三省事封晉國王乞致仕詔不許天會十四年薨年五十八追封周宋

國王正隆二年例封金源郡王大定間改贈秦王謚相忠配享太祖廟廷孫秉德斜哥秉德別有傳

斜哥累官同知曷蘇館節度使事大定初除刑部侍郎充都統與副統完顏布輝自東京先赴中都輒署置官吏私用官中財物世宗至中都事覺斜哥當死布輝當除名詔寬減斜哥除名布輝削兩階解職二年起爲大宰丞丞除祁州刺史坐賊枉法當死詔杖一百五十除名遣左衛將軍夾谷查刺諭斜哥曰卿何面日至鄉中與宗族相見今徙鄰州以家人自隨俟汝身死聽家人從便久之起同知興中尹遷唐括部族節度使歷開遠順義軍斜哥前在雲

內受賊御史臺劾奏上謂宰臣曰斜哥今三犯矣蓋其資質鄙惡如此令強幹吏鞠之獄成法當死上曰斜哥祖父秦王宗翰有大功特免死杖一百五十除名久之復起爲勸農副使

贊曰宗翰內能謀國外能謀敵決策制勝有古名將之風臨潢既捷諸將皆有怠忽之心而請伐不已越千里以襲遼主諸將皆有畏顧之心而請期不已觀其欲置江淮軍事陝服當時無有能識其意者甫釋于戈歛衽歸朝以定熙宗之位精誠之發孰可掩哉

列傳

金史七十四

八

付表成

征伐常在左右都統杲已克中都宗翰在北安州獲遼護衛習泥烈知遼主在鴛鴦濼宗翰請襲之杲出青嶺遼兵三百餘掠降人家賞宗望曰若生致此輩可審得遼主所在虛實遂與宗弼率百騎進騎多罷之獨與馬和尚遂越盧字古野里斯等留一騎趣後軍即馳擊敗之生擒五人因審遼主尚在鴛鴦濼未去無疑也於是進兵宗翰倍道兼行追遼主于五院司不及婁室等追之至白水濼遼主走陰山遼秦晉國王捏里自立于燕京新降州部人心不固杲使宗瑩請太祖臨軍宗望至京師百官入賀上曰宗望與十餘騎經涉兵寇數千里可嘉也上宴群臣歡甚宗

列傳

金史七十四

九

什魯氏

望泰曰今雲中新定諸路遼兵尚數萬遼主尚在陰山天德之間而捏里自立于燕京新降之民其心未固是以諸將望陛下幸軍中也上曰懸軍遠伐授以成筭豈能盡合機事朕以六月朔啓行既次大灤西南吳使希尹奏請從西南招討司諸部于內地上顧謂群臣曰從諸部人當出何路宗望對曰中京殘弊芻糧不給由上京爲宜然新降之人遽爾騷動未降者必皆疑懼勞師害人所失多矣上京謂臨潢府也上廼下其議命軍帥度宜行之上聞遼主在大魚灤自將精兵萬人散之蒲家奴宗望率兵四千爲前鋒晝夜兼行馬多乏追及遼主于石輦驛軍士至者才千人遼軍餘二萬五千方治營壘蒲家奴與諸將議余睹曰我軍未集人馬疲劇未可戰宗望曰今追及遼主而不亟戰日入而遼則無及遂戰短兵接遼兵圍之數重士皆殊死戰遼主謂宗望兵少必敗遂與嬪御皆自高阜下平地觀戰余睹示諸將曰此遼主度蓋也若萃而薄之可以得志騎兵馳赴之遼主望見大驚即遯去遼兵遂潰宗望等還上曰遼主去不遠亟追之宗望以騎兵千餘追之蒲家奴爲後繼太祖已定燕京幹魯爲都統宗望副之罷遼主于陰山青塚之間宗望宴室銀术可以三千軍分路散之將至青塚遇泥濘衆不能進宗望與當海四騎以繩繫

列傳

金史七十四

十

什魯氏

遼都統林牙大石使爲鄉導直至遼主營時遼主往應州其嬪御諸女兒敵兵奄至驚駭欲奔命騎下執之有頃後軍至遼大叔胡盧瓦妃國王捏里次妃遼漢夫人并其子秦王許王女骨欲餘里衍幹里衍大奧野次奧野趙王妃幹里衍招討迪六詳穩六斤節度使孛迭赤狗兒皆降得軍萬餘乘惟寧王雅里及其長女乘軍亂亡去婁室銀术可獲其左右輿帳進至掃里門爲書以招遼主遼主自金城來知其族屬皆見俘率兵五千餘決戰宗望以千兵擊敗之遼主相去百步遯去獲其子趙王習涅烈及傳國璽追二十餘里盡得其從馬而照里特未胡巴魯背答別獲牧馬萬四千匹車八千乘及獻傳國璽于行在太祖曰此群臣之功也遂實璽于懷中東面恭謝天地乃大錄諸帥功加賞焉遼主乃使謀盧瓦持兔鈕金印請降宗望受之視其文乃元帥燕國王之印也宗望復以書招之諭以石晋北遷事遂使使諭夏國示以和好所以沮疑其救遼之心也宗望趨天德遼耶律慎思降及候人具十回皆言夏國迎護遼主度大河矣宗望乃傳檄夏國曰果欲附我當如前諭執送遼主若猶疑貳恐有後悔及遼秦王等以俘見太祖太祖嘉宗望功以遼蜀國公主餘里衍賜之闍母與張覺戰大敗於兔耳山上使宗望問狀就以闍母軍討

張覺降瀕海郡縣遂與覺戰于南京城東覺敗宵遁奔宋語在覺傳城中人執覺父及其二子來獻宗望授之使以詔書宣諭城中張敦固等出降使使與敦固俱入城收兵仗城中人殺使者立敦固爲都統初府庫掠居民棄城拒守太宗賞破張覺功及有功將士各有差初張覺奔宋入于燕京宗望責宋人納叛人且徵軍糧久不聞問宗望欲移書督之請空名宣頭千道增信牌安撫新降之民詔以新附長吏職負仍舊已命諸路轉輸軍糧勿督於宋給銀牌十空名宣頭五十道及遷潤來隰四州人徙于瀋州者俟畢農各復其業乃詔咸州輸粟宗望軍張敦固以兵八

列傳

金史七十四

十一

帝成

千分四隊出戰大敗宗望再三開諭敦固等曰屢嘗拒戰不敢遽降宗望許其望闕遙拜敦固乃開其一門宗望使闍母奏其事乃下詔赦南京官民大小罪皆釋之官職如舊別勅有司輕徭賦勸稼穡疆場之事一決於宗望又曰議索張覺及遁亡戶口於宋聞比歲不登若如舊徵歛恐民匱之度其糧數賦之射糧軍願爲民者使復田里小大之事闍白軍帥無得專達朝廷詔宗望曰選勲賢及有民望者爲南京留守及諸闕負仍具姓名官階以聞是時遷潤來隰四州之民保山砦者甚衆宗望乞選良吏招撫上從之上召宗望赴闕而闍母克南京兵執僞都統張敦固

列傳

金史七十四

十一

帝成

殺之南京平赴京師於是宗翰請無割山西地與宋幹魯亦言之闍母論奏宋渝盟有驗不可不備及宗望還軍上曰徵歲幣於宋以銀二十萬兩絹三十萬匹分賜爾軍及六部東京諸軍宗望至軍宋兵三千自海道來破九寨殺馬城縣戍將節度使度盧幹取其銀牌兵仗及馬而去宗望索戶口宋人弗遣且聞童貫郭藥師治軍燕山宗望奏請伐宋曰苟不先之恐爲後患宗翰亦以爲言故伐宋之策宗望實啓之宗望爲南京路都統闍母副之自燕山路伐宋宗望奏曰闍母於臣爲叔父請以闍母爲都統臣監戰事上從之以宗望監闍母劉彥宗兩軍戰事宗望至三河破郭藥師兵四萬五千于白河蒲莧敗宋兵三千于古北口郭藥師降遂取燕山府盡收其軍實馬萬匹甲冑五萬兵七萬州縣悉平宋中山戍將王彥劉璧率兵二千來降蒲察繩果以三百騎遇中山三萬人於阨隘之地力戰死之木烈速活里改軍繼至殺二萬餘人宗望破宋真定兵五千人遂克信德府次邯鄲宋李鄴請修舊好宗望留軍中不遣自郭藥師降益知宋之虛實宗望請以爲燕京留守及董才降益知宋之地里宗望請任以軍事太宗俱賜姓完顏氏皆給以金牌四年正月己巳諸軍渡河取滑州使兵孝民入汴以詔書問納平州張覺事今執送童貫

譚榘唐度以黃河為界納質奉貢癸酉諸軍圍汴宋少帝請為伯姪國効質納地增歲幣請和遂割太原中山河間三鎮書用伯姪禮以康王構太宰張邦昌為質沈晦以誓書三鎮地圖至軍中歲幣割地一依定約語在宋事中二月丁酉朔與宋平退軍孟陽是夜姚平仲兵四十萬來襲候騎覺之分遣諸將迎擊大破平仲軍復進攻汴城問舉兵之狀少帝大恐使宇文震中來辨曰初不知其事且將加罪其人宗望報弗攻改肅王樞為質康王構遣歸師還河北兩鎮不下遂分兵討之宗望罷常勝軍給還燕人田業命將士分屯安肅雄霸廣信之境宗望還山西未幾為

列傳十二

金史七十四

十三

唐風

右副元帥有功將士遷賞有差頃之宋少帝以書誘余睹蕭仲恭獻其書詔復伐宋八月宗望會諸將發自保州耶律鐸破敵兵三萬于雄州殺萬餘人那野敗宋軍七千於中山高六董才破宋兵三千於廣信宋种師閔軍四萬人駐井陘宗望大破之遂取天威軍東還遂克真定殺知府李遵得戶三萬降五縣遂自真定趨汴十一月戊辰宗望至河上降魏縣諸軍渡河留諸將分出大名之境降臨河縣至大名縣德清軍開德府皆克之阿里剏以騎兵三千先趨汴破宋軍六千于路取胙城抵汴城下覆宋兵千人擒數將宗望至汴分遣諸將遏宋援兵奔睹那野賽刺臺

實運破宋援兵閏月壬辰朔宋兵一萬出自汴城來戰宗望選勁勇五千使當海忽魯離鵠失擊敗之癸巳宗翰自太原會軍于汴丙辰克汴州辛酉宋少帝詣軍前十二月癸亥宋帝奉表降上使易就軍中勞賜宗翰宗望使皆執其手以勞之四月以宋二主及其宗族四百七十餘人及珪璋寶印衣冕車輅祭器大樂靈臺圖書與大軍北還宗望乃分諸將鎮守河北董才降廣信軍及旁近縣鎮宗望乃西上京陞詔宗望曰自河之北今既分畫重念其民見城邑有被殘者遂阻命堅守其中諭招輯安全之儻堅執不移自當致討若諸軍敢利於俘掠輒肆毀蕩者當底於

列傳十二

金史七十四

十四

付旁風

罰是月宗望薨天會十三年封魏王皇統三年進許國王又徙封晉國王天德二年贈太師加遼燕國王配享太宗廟廷正隆二年例降封大定三年改封宋王謚相肅子齊京文初遼帝之奔陰山也遼節度使和尚與林牙馬哥男慎思俱被擒都統果使阿鄰護送得底和尚雅里斯等入京師得里底道亡太祖誅阿鄰和尚弟道溫為興中尹太祖使謾都本以兵千人與和尚往招之和尚欲亡去不克至興中城下以矢繫書射城中教道溫毋降事泄謾都本責之曰汝何反覆如此對曰以忠報國何反覆之有雖死不恨乃殺之既而宗望軍遏遼都統李迭等道溫在其中

相與隔水而語宗望承制招之亭迷唯諾無降意宗望謂道溫曰汝兄和尚因戰而獲未嘗加罪後以叛誅能無痛悼道溫曰吾兄辱於見獲榮於死國宗望顧馬和尚曰能爲我取此乎對曰能遂以所部渡水擊敗其衆直趨道溫射中其臂獲而殺之

齊本名受速長身美髯天眷三年以宗室子授鎮國上將軍皇統元年遷光祿大夫正隆六年遷銀青榮祿大夫大定初遷特進加安武軍節度使留京師奉朝請齊以近屬上所寵遇而性庸滯無材能大定三年罷節度官給隨朝三品俸累官特進卒弟京弟文皆以謀反誅世宗盡以其

列傳第十二

金史七十四

十五

付卷四

家財產與齊之子敵住詔齊妻曰汝等皆當緣生有至大辟及流竄者朕念宋王故置而不問且以其家產賜汝子宜悉朕意十五上召英王璘謂曰卿於諸公主女子中爲敵住擇婚其禮幣命有司給之俄襲叔父京山東西路徒母堅猛安

京本名忽魯以宗室子累遷特進天德二年除翰林學士承旨兼修國史加開府儀同三司遷工部尚書改禮部兵部判大宗正事封曹王除河間尹正隆二年例封藩國公北京留守以喪去官起復益都尹六年坐違制立春日與徒單貞欲酒降灤州刺史未幾改絳陽軍節度使海陵遣

護衛忽魯往絳州殺之京由間道走入汾州境得免世宗即位來見于桃花塢復判大宗正事封壽王二年正月戊辰朔日食伐鼓用幣上不視朝減膳徹樂詔京代拜行禮世宗懲創海陵疎忌宗室加禮京兄弟情若同生謂京等曰朕每見天象變異輒思政事之闕寤察自責不遑凡事必審思而後行猶懼獨見未能盡善每令群臣集議庶幾無過舉也是時伐宋未罷兵用度不足百官未給全俸京家人數百口財用少上聞之賜金一百五十兩重綵百端綰五百匹改西京留守賜佩刀廐馬京到西京京妻嘗召日者孫邦榮推京祿命邦榮言留守官至太師爵封王京

列傳第十二

金史七十四

十六

付卷四

問此上更無否邦榮曰止於此京曰若止於此所官何爲邦榮察其意乃詐爲圖識作詩中有鶻魯爲之語以獻於京京曰後誠如此乎遂受其詩再使卜之邦榮稱所得卦有獨權之兆京復使邦榮推世宗當生年月家人孫小哥哥妄作謠言誑惑京如邦榮指京信之京妻公壽具知其事大定五年三月孫邦榮上變詔刑部侍郎高德基戶部員外郎完顏兀古出往鞠之京等皆款伏獄成還奏上曰海陵無道使光英在朕亦保全之況京等哉於是京夫婦特免死杖一百除名嵐州樓煩縣安置以奴婢百口自隨官給上田遺元古出劉琬宣諭京詔曰朕與汝皆太祖之孫

海陵失道，前戚宗支朕念兄弟無幾於汝，尤為親愛。汝亦自知之，何為而懷此心？朕念骨肉，不忍盡法。汝若尚不思過，朕雖不加誅，天地豈能容汝也？十年四月，詔于樓煩縣為京作第一區，月給御廩，俸十二年。兄德川防禦使文謀反，上問皇太子趙王允中及宰臣曰：「京謀不軌，朕特免死，今復當緣坐，何如？」宰臣或言：「京圖逆，今不除之，恐為後患。」上曰：「天下大器，歸於有德。海陵失道，朕乃得之，但務修德，餘何足慮？」太子曰：「誠如聖訓。」乃遣使宣諭京，詔曰：「卿兄文奮封國公，不任職事。朕進封王，爵委以大藩，頃在大名以賊得罪，止削左遷，不知恩幸乃蓄怨心，謀不軌，罪及兄。」

弟朕念宋王皆免緣坐，文之家產應沒入者，盡與卿兄子敵住。卿宜悉此意。二十年十一月，上問宰臣曰：「京之罪，始於其妻妾，下休咎太祖諸孫存者無幾，朕欲置左右，不使任職，但廩給之，卿等以為何如？」皆曰：「置之近密臣等以為非宜。」上曰：「朕若修德，何必豫懷疑忌？」久之，上復欲召京宰臣曰：「京不赦之罪也，赦之以為至幸矣，豈可復上默良久乃止。」

文本名胡刺，皇統間授世襲謀克，加奉國上將軍，居中京海陵墓，立賜錢二萬貫。是時左淵為中京轉運使，市中有穢術，敵仙者文與淵皆與之游。海陵還中京，聞召敵仙詰問窮竟，本末既而殺之于市。責讓文淵，貞元年除秘書監，坐與靈壽縣主阿里虎有姦杖二百，除名。俄復為秘書監，封王。正隆例封鄖國公，以喪去官。起復翰林學士，承旨同判大宗正事，昌武軍節度使。大定初，改武定軍，留京師奉朝請。三年，賜上常御條服，佩刀而遣之。謂文曰：「朕無兄弟，見卿往，外郡惻然傷懷。」卿頗自放，宜加檢束。除廣寧尹，召為判大宗正事，封英王。是時弟京得罪，上謂文曰：「朕待京不薄，乃包藏禍心，圖不軌，不忍刑及骨肉，遂從輕典。卿亦驕縱無度，宋王有社稷功，武靈封太祖諸孫為王，卿獨不封。朕即位，封卿兄弟為王，自今懲咎悔過，赤心事朕，無患。」

朕不知也。除真定尹，賜以衣帶，改大名尹。徙封荆王。文到大名，多取猛安謀克良馬，或以驚馬易之，買民物與價不盡，其直尋常占役弓手四十餘人，詭納稅草十六萬束，公用闕取民錢一萬九千餘貫，坐是奪爵降德州防禦使。僚佐皆坐不矯正，解職監察御史董師中按文事失糾察，已除尚書省都事降沁南軍節度副使。詔曰：「自今長官不法僚佐不矯正，又不言上，並嚴行懲斷。」文既失職，居常快快，日與家奴石抹合住忽里者為怨，言合住揣知其意，因言南京路猛安阿古合住謀克頗里銀木可與大王厚善，果欲舉大事，彼皆願從。文信其言，乃召日者康洪占休咎，密

以諫告洪洪言來歲甚吉文厚謝洪使家僮剛哥等往南京以書幣遺阿古等剛哥問合住何以知阿古等必從合住曰阿古等與大王善以此意其必從耳剛哥到南京見阿古等不言其本來之事及還紿文曰阿古從大王矣文乃遣兵仗使家奴幹敵畫陣圖家奴重喜詣河北東路上變府遣總管判官字特馳往德州捕文字特至德州日晚會文出獵召防禦判官酬越謀就獵所執之酬越言文兵衛甚衆且暮夜明日文生日可就會上執之字特乃止是夜文知本府使至意其事覺乃與合住忽里者等俱亡去河間府使奏文事詔遣右司郎中紿石烈哲典翰林修

列傳第十二

金史七十四

十九

付房成

撰阿不罕訛里也往德州鞠問上聞文亡命謂宰臣曰海陵翦滅宗室殆盡朕念太祖孫存者無幾人曲爲寬假而文曾不知幸尚懷異圖何狂悖如此上恐文久不獲誑誤者多督所在捕之詔募獲文者遷官五階賜錢三千貫文以大定十二年九月事覺亡命凡四月至十二月被獲伏誅康洪論死餘皆坐如律詔釋其妻木實懶字特酬越不即捕致文亡去字特杖二百除名酬越杖一百削兩階詔曰德州防禦使文北京曹貴卿州李方皆因術士妄談緣命陷于大戮凡術士多務苟得肆爲異說自今宗室宗女有屬籍者及官職三品者除占問嫁娶修造葬事不得推

筭相命違者徒二年重者從重上以文家財產賜其故兄特進齊之子較住并以西京留守京沒入家產賜之贊曰宗望洛行平州戰勝白河席卷而南風行電舉兵無留難再閱月而汴京圍矣所謂敵不能與校者耶既取信德留兵守之以爲後距此豈輕者耶管子曰徑於絕地攻於恃固獨出獨入而莫之能止其宗望之謂乎

列傳第十二

金史七十四

二十

付房成

修 盧彥倫 子 璣 孫 亨 嗣 毛子廉 孔敬宗 沈璋 虞仲文 曹勇 義康公 附

李三錫

李師夔

左企弓

左必弟 淵 姪 光 慶

盧彥倫臨漢人遼天慶初蕭貞一留守上京置為吏以材幹稱是時臨潢之境多盜而城中兵無統屬者府以彥倫

傳第十三

金史七十五

章子厚

為材薦之於朝即授殿直勾當兵馬公事遼兵敗於出河店還至臨潢散居民家令給養之而軍士縱恣侵擾無所不至百姓殊厭苦之留守耶律赤狗兒不能禁戢乃召軍民諭之曰契丹漢人久為一家今邊方有警國用不足致使兵士久困父老間有侵擾亦當相容眾皆無敢言者彥倫獨曰兵興以來民間財力困竭今復使之養士以國家多故義固不敢辭而此輩恣為強暴人不能堪且番漢之民皆赤子也奪此與彼謂何初取臨潢軍中有辛訛特刺者舊為臨潢驛吏與彥倫善使往招諭彥倫殺之遼授彥倫團練使勾當留守司公事天輔四年彥倫從留守撻不

野出降授夏州觀察使權發遣上京留守事師還撻不野

以城叛彥倫乃率所部逐撻不野盡殺城中契丹遣使來報未幾遼將耶律馬哥以兵取臨潢彥倫拒守者七月會援兵至敵解圍去因赴闕天會二年知新城事城邑初建彥倫為經畫民居公宇皆有法改靜江軍節度留後知咸州煙火事未幾遷靜江軍節度使天眷初行少府監兼都水使者充提點京城大內所改利涉軍節度使未閱月還復為提點大內所彥倫性機巧能迎合悼后意由是頗見寵用歲餘遷侍衛親軍馬步軍都指揮使為宋國歲元使改禮部尚書加特進封郕國公天德二年出為大名尹明

傳第十三

金史七十五

二

年詔彥倫營造燕京宮室以疾卒年六十九子璣

璣字正甫以蔭補閣門祗候累遷客省使兼東上閣門使改提點太醫教坊司天充大定十五年宋主生日副使遷同知宣徽院事丁母憂起復太府監改開遠軍節度使入為右宣徽使章宗即位轉左宣徽使致仕明昌四年起復左宣徽使改定武軍節度使復為左宣徽使是時璣年已七十詔許朝參得坐於廊下復致仕泰和初詔璣天壽節預宴二年元妃李氏生皇子滿三月章宗以璣老而康強命以所策杖為洗兒禮物章宗幸玉泉山詔璣與致仕宰相俱會食許策杖給扶後預天壽節上命璣與大臣握槩

戲璣獲勝焉從上秋山賜名馬上曰酬卿博直其眷遇如此泰和六年卒年八十子亨嗣

亨嗣字繼祖以廕補閣門祗候內供奉調同監平涼府醋務改同監天山鹽場丁母憂服闋監萊州酒課累調監豐州任丘汲縣東平酒務課最還白登縣令明昌四年行六部差規措軍前糧料入爲典給直長改西京戶籍判官歷官西京中都太倉使中都戶籍判官尚醞署丞丁父憂大安初復爲典給署永兼太子家令崇慶元年遷同知順天軍節度使事是時兵興徵調煩急亨嗣以辦最遷定遠大將軍入爲戶部員外郎貞祐二年遷莒州刺史三年山東

傳第三

金史七十五

三

折

宣撫司討楊安兒亨嗣行六部兵罷還州興定二年卒年六十一亨嗣與弟亨益蓋友愛之道亨嗣初以祖廕得官大定十六年父璣爲同知宣徽院事當陰子亨嗣以讓弟亨益亨益早卒子熒熒幼稚亨嗣盡以舊業田宅奴畜財物與之

毛子廉本名八十臨潢長泰人材勇善射遼季群盜起募勇士子廉應募遼主召見賜甲仗率百人會所在官兵捕盜以功授東頭供奉官賜良馬天輔四年遣謀克辛幹特刺移刺窟斜招諭潢子廉率戶二千六百來歸令就領其衆佩銀牌招未降軍民盧彥倫怒子廉先降殺子廉妻

及二子使騎兵二千伺取子廉子廉與窟斜經險阻中騎兵圍之兩騎突出直犯子廉子廉引弓斃其一人其一人挺槍幾中子廉腋子廉避其槍與搏戰生擒之乃彥倫健將孫延壽也餘衆潰去天會三年除上京副留守久之兼鹽鐵事天眷中除燕京勑院都監遼王宗幹問宰相曰子廉有功何爲下遷宰相以例對宗幹曰盧彥倫何不除此職子廉之功十倍彥倫在臨潢十餘年吏民畏愛如一日誰能及此是時盧彥倫已以少府監除節度使故宗幹引以爲比除寧昌軍節度使海陵弒熙宗子廉聞之歎曰曾不念國王定策之功耶乃致仕大定二年卒

傳第三

金史七十五

四

李三錫字懷邦錦州安昌人以貲得官遼季盜攻錦州州人推三錫主兵事設機應變城賴以完錄功授左承制遼主走天德劉彥宗辟三錫將兵保白雲山金兵次萊州三錫以其衆降攝臨海軍節度副使叅預元帥府軍事改知嚴州宗望伐宋三錫領行軍猛安敗郭藥師軍於白河進官安州防禦使再克汴京三錫從闍母護宋二主北歸復知嚴州改歸德軍節度副使詔廢齊國擇吏三十人與俱行三錫在選中還爲慶州刺史三遷武勝軍節度使察廉第一遷三階改安國軍節度使除河北西路轉運使致仕三錫政事強明所至稱治世宗舊聞其名大定初起爲此

京路都轉運使制下而三錫已卒

孔敬宗字仲先其先東垣人石晉末徙遼陽遼季敬宗爲
寧昌劉宏幕官幹魯古兵至境上敬宗勸劉宏迎降遂以
敬宗爲鄉導授顯州以功補順安令天輔二年詔敬宗與
劉宏率懿州民徙內地授世襲猛安知安州事將兵千人
從宗望伐宋汴京平宗望命敬宗守汴嘗自汴馳驛至河
北還至河上會日暮無舟敬宗策馬亂流遂達南岸遷靜
江軍節度使歷石辰信磁四州刺史階光祿大夫海陵間
張浩曰卿識孔敬宗否何階高職下也浩對曰國初敬宗
勸劉宏以懿州効順其後從軍積勞有司不知故一槩常

神第十三

金史七十五

五

張仲明

調耳明日除寧昌軍節度使徙歸德軍致仕大定二年卒
李師夔字賢佐奉聖永興人少倜儻有大志以廢入仕爲
本州總監天輔六年太祖襲遼主于鴛鴦濼郡守委城遁
去衆無所屬相與叩門請師夔主郡事師夔許之乃搜卒
治兵迪古乃兵至奉聖州師夔與其故人沈璋密謀出降
曰一城之命懸於此舉璋曰君言是矣如軍民不從奈何
師夔即率親信十數輩詰旦出城見余睹與之約曰今已
服從願無以兵入城及俘掠境內余睹許諾詔以師夔領
節度以璋佐之賜師夔駿馬二俾招未附者許以便宣從
事明年加左監門衛大將軍劇賊張勝以萬人逼城師夔

度衆寡不敵乃偽與之和日致饋餉給勝信之師夔乘其不
備使人刺勝殺之以其首徇曰汝輩皆良民脅從至此今
元惡已誅可棄兵歸復其所賊衆大驚皆散去別賊焦望
天尹智穆率兵數千來寇師夔以兵臨之設伏歸路使人
反間之智穆果疑望天先引去智穆勢孤亦還遇伏而敗
遂執斬之是後賊衆不敢入境以勞遷靜江軍節度留後
累遷武平軍節度使改東京路轉運使徙陝西東路轉運
使致仕封任國公卒年八十五

神第十三

金史七十五

六

張仲明

沈璋字之達奉聖州永興人也學進士業迪古乃軍至上
谷璋與李師夔謀開門迎降明日擇可爲守者衆皆推璋
璋固稱李師夔於是授師夔武定軍節度使以璋副之授
太常少卿遷鴻臚卿丁母憂起復山西路都轉運副使加
衛尉卿從伐宋汴京平衆爭趨貨璋獨無所取惟載書
數千卷而還太行賊陷潞州殺其守姚璠官軍討平之命
璋權知州事璋至招復逋逃賑養困餓收其橫屍葬之未
幾民頗安輯初賊黨據城潞之軍卒當緣坐者七百人師
府牒璋盡誅之璋不從帥府聞之大怒召璋呵責且欲殺
璋左右震恐璋顏色不動從容對曰招亡撫存璋之職也
此輩初無叛心蓋爲賊所脅有不得已者故招之復來今
欲殺之是殺降也苟利於衆璋死何憾少頃怒解因召潞

軍曰吾始命戮汝今汝使君活爾美皆感泣而去朝廷聞而嘉之拜左諫議大夫知潞州事百姓爲之立祠移知忻州改同知太原尹加尚書禮部侍郎時介休人張覺聚黨亡命山谷鈔掠邑縣招之不肯降曰前嘗有降者皆殺之今以好言誘我是欲殺我耳獨得侍郎沈公一言我乃無疑於是命璋往招之覺即日降轉尚書吏部侍郎西京副留守同知平陽尹遷利涉軍節度使爲東京路都轉運使改鎮西軍節度使天德元年以病致仕卒年六十子宜中天德三年賜楊建中勝及第

贊曰危難之際兩軍方爭專城之將國家之輕重繫焉李

傳第十三

金史七十五

七

宣宗二

師夔非有君命爲衆所推又能全活其人猶有說也盧彥倫之降雖云城潰初志不確何尤乎毛子廉至如子廉不仕海陵沈璋以片言降張覺一善足稱何可掩也

左企弓字君材八世祖皓後唐棣州刺史以行軍司馬戍燕遼取燕使守薊因家焉企弓讀書通左氏春秋中進士再遷萊州觀察判官蕭英弼賊昭懷太子窮治黨與多連引企弓辨析其寬免者甚衆自御史知雜事出爲中京副留守按刑遼陽有獄本輕而入之重者已奏待報企弓釋之以聞累遷知三司使事天慶末拜廣陵軍節度使同中書門下平章事知樞密院事金兵已拔上京北樞密院恐

忤旨不以時奏遼故事軍政皆關決北樞密院然後奏御企弓以聞遼主曰兵事無乃非卿職邪對曰國勢如此豈敢循例爲自容計因陳守備之策拜中書侍郎平章事監脩國史時遼主聞金已克中京將西幸以避之企弓諫不聽遼主自鴛鴦濼亡保陰山秦晉國王耶律捏里自立于燕慶遼主爲湘陰王改元德興企弓守司徒封燕國公盧仲文叅知政事領西京留守同中書門下平章事內外諸軍都統曹勇義中書侍郎平章事樞密使燕國公康公弼叅知政事簽樞密院事賜號忠烈翊聖功臣德妃攝政企弓加侍中宋兵襲燕奄至城中已而敗走或疑有內應者

傳第十三

金史七十五

八

宣宗三

欲根株之企弓爭之乃止太祖至居庸關蕭妃自古北口遯去都監高六等送款于太祖太祖徑至城下高六等開門待之太祖入城受降企弓等猶不知太祖駐蹕燕京城南企弓等奉表降太祖俾復舊職皆受金牌企弓守太傅中書令仲文樞密使侍中秦國公勇義以舊官守司空公弼同中書門下平章事樞密副使權知院事發中書省封陳國公遼致仕宰相張琳進上降表詔曰燕京應琳田宅財物並給還之琳年高不能入見止令其子弟來太祖既定燕從初約以與宋人企弓獻詩略曰君王莫聽拍燕議一十山河一寸金太祖不聽是時置樞密院于廣寧府企

弓等將赴廣寧張覺在平州有異志太祖欲以兵送之企弓等辭兵曰如此是促之亂也及過平州舍于栗林下張覺使人殺之企弓年七十三謚恭烈天會七年贈守大師遣使致奠正隆二年改贈特進濟國公

虞仲文字質夫武州寧遠人也七歲知作詩十歲能屬文日記千言刻苦學問第進士累仕州縣以廉能稱舉賢良方正對策優等擢起居郎史館修撰三遷至太常少卿宰相有左降仲文獨出餞之或指以爲黨仲文乃求養親父之召復前職宰相薦文行第一權知制誥除中書舍人討平白霄拜樞密直學士權翰林學士爲翰林侍講學士年五十五卒謚文正天會七年贈兼中書令正隆二年改贈特進濮國公

傳第十三

金史七十五

九

此明

曹勇義廣寧人第進士除長春令樞府辟令史上書陳時政累擢館閣遷樞密副都丞旨權燕京三司使加給事中召爲樞密副使加太子少保與大公鼎虞仲文龔誼友善與虞仲文同在樞密群小擠之復出爲三司使加宣政殿大學士卒謚文莊天會七年贈守太保正隆二年改贈特進定國公

康公弼字伯迪其先應州人曾祖胤遼保寧間以戰功授誓券家于燕之宛平公弼好學年二十三中進士除著作

郎武州軍事判官辟樞府令史求外補出爲寧遠令縣中隕霜殺禾稼漕司督賦急繫之獄公弼上書朝廷乃釋之因免縣中租賦縣人爲立生祠監平州錢帛庫調役糧于川州大盜侯槃陷川州使護送公弼出境曰良吏也權乾州節度使卒謚忠肅天會七年贈侍中正隆二年改贈特進道國公企弓子泌瀛淵

傳第十三

金史七十五

十

此明

泌字長源企弓長子也仕遼官至棣州刺史太祖平燕泌從企弓歸朝旣而東遷至平州企弓爲張覺所害泌復還燕是時以燕與宋宣撫司遣至汴泌以平州仇人在是乃問道奔還朝廷嘉之擢西上閤門使從宋王宗望南伐破真定有功知祁州歷刺澤潞等州貞元初爲濟州防禦使遷陝西路轉運使封戴國公泌性夷澹好讀莊老年六十一即請致仕親友或以爲早泌嘆曰子年三十棄旄鉞侵尋仕路又三十年名遂身退可矣時人高之卒年七十四淵累官燕京副留守中京路都轉運使歷河北東路中都路都轉運使淵貪鄙三任漕事務以錢穀自營在中都凡八年不求遷與李通許霖交關賄賂詭納漕司諸物規取財利世宗即位淵使其子貽慶詣東京上表特賜貽慶任忠傑榜第三甲進士授從仕郎貽慶還中都世宗詔淵曰凡殿位張設悉依舊毋增益不得役使一夫以擾百姓謹